

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, জুন ১১, ২০০৯

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড,
ঢাকা।

[মূল্য সংযোজন কর]

প্রজ্ঞাপন

তারিখঃ ২৮ জ্যৈষ্ঠ, ১৪১৬ বঙ্গাব্দ / ১১ জুন, ২০০৯ খ্রিষ্টাব্দ

এস.আর.ও নং ১০৩-আইন/২০০৯/৫১১-মূসক।- মূল্য সংযোজন কর আইন, ১৯৯১ (১৯৯১ সনের ২২ নং আইন) এর ধারা ৭২ এ প্রদত্ত ক্ষমতাবলে, জাতীয় রাজস্ব বোর্ড, মূল্য সংযোজন কর বিধিমালা, ১৯৯১ এর নিম্নরূপ অধিকতর সংশোধন করিল, যথাঃ-

উপরি-উক্ত বিধিমালায় -

(১) বিধি ২ এর দফা (খ) এর পরিবর্তে নিম্নরূপ দফা (খ) প্রতিস্থাপিত হইবে, যথাঃ-

“(খ) “কর” অর্থ ধারা ২ এর দফা (ঘঘঘ) তে সংজ্ঞায়িত কর;”;

(২) বিধি ৩ এর-

(ক) উপ-বিধি (১) এর শেষ প্রাপ্তস্থিত দাঁড়ির পরিবর্তে একটি কোলন প্রতিস্থাপিত হইবে এবং তৎপর নিম্নরূপ একটি নূতন শর্ত সংযোজিত হইবে, যথাঃ-

“তবে শর্ত থাকে যে, ব্যবসায়ী বা বাণিজ্যিক আমদানিকারককে ফরম “মূসক-১খ” অনুযায়ী এই উপ-বিধিতে বর্ণিত পদ্ধতিতে মূল্যভিত্তি ঘোষণাপত্র দাখিল করিতে হইবে.”;

(৪৭৪১)

মূল্য : টাকা ৩৪.০০

- (খ) উপ-বিধি (১ক) এবং (১খ) এর পরিবর্তে নিম্নরূপ তিনটি নূতন উপ-বিধি যথাক্রমে (১ক), (১খ) এবং (১গ) প্রতিস্থাপিত হইবে, যথাঃ-

“(১ক) করযোগ্য পণ্য সরবরাহ বা সেবা প্রদানে নিয়োজিত কোন নিবন্ধিত ব্যক্তি অব্যাহতিপ্রাপ্ত অথবা বাংলাদেশ হইতে রপ্তানিকৃত বা রপ্তানিকৃত বলিয়া গণ্য কোন পণ্য সরবরাহ বা রপ্তানি করিলে উক্তরূপ সরবরাহ বা রপ্তানির পূর্বে সংশ্লিষ্ট ব্যক্তিকে ফরম “মূসক-১গ” এ উপকরণ মূল্য এবং উপকরণ উৎপাদ সম্পর্ক বা সহগ (Input-output Co-efficient) সম্পর্কিত একটি ঘোষণাপত্র সংশ্লিষ্ট এলাকার বিভাগীয় কর্মকর্তার নিকট দাখিল করিতে হইবে এবং বিভাগীয় কর্মকর্তা উক্ত ঘোষণাপত্র যাচাই-বাছাই করিয়া প্রাপ্ত ঘোষণা, প্রয়োজনে সংশোধনপূর্বক, অনুমোদন করিবেনঃ

তবে শর্ত থাকে যে, নিবন্ধিত ব্যক্তি কর্তৃক প্রদত্ত ঘোষণায় কোন পরিবর্তন বা সংশোধনী আনয়নের ক্ষেত্রে সংশ্লিষ্ট ব্যক্তিকে যুক্তিসঙ্গত গুণান্বিত সুযোগ প্রদান করিতে হইবে।

(১খ) চুক্তি ভিত্তিক উৎপাদনের ক্ষেত্রে পণ্যের উৎপাদক পণ্যের স্বত্বাধিকারীর নিকট হইতে প্রতি ইউনিট পণ্যের জন্য যে পণ বা মূল্য গ্রহণ করিবেন তাহার ভিত্তিতে সংশ্লিষ্ট এলাকার বিভাগীয় কর্মকর্তার নিকট ফরম “মূসক-১” এ মূল্য ঘোষণা দাখিল করিবেন।

(১গ) চুক্তি ভিত্তিক উৎপাদনের ক্ষেত্রে পণ্যের স্বত্বাধিকারী উৎপাদনকারী হিসাবে বিবেচিত হইবেন এবং উপ-বিধি (১) অনুযায়ী ফরম “মূসক-১” এ মূল্য ঘোষণা দাখিল করিবেন।”

- (গ) উপ-বিধি ২ এর ““মূসক-১”” শব্দ, চিহ্ন এবং সংখ্যার পরিবর্তে ““মূসক-১” বা, ক্ষেত্রমত, “মূসক-১খ”” শব্দগুলি, চিহ্নগুলি, সংখ্যাগুলি, কমাগুলি এবং বর্ণ প্রতিস্থাপিত হইবে:

- (ঘ) উপ-বিধি (২) এর পর নিম্নরূপ একটি নূতন উপ-বিধি (২ক) সন্নিবেশিত হইবে, যথাঃ-

“(২ক) উপ-বিধি (১ক) অনুযায়ী দাখিলকৃত ঘোষণাপত্রের কোন পরিবর্তন সাধনের প্রয়োজন হইলে, উক্ত পরিবর্তন কার্যকর করিবার সাত কার্যদিবস পূর্বে অব্যাহতিপ্রাপ্ত অথবা বাংলাদেশ হইতে রপ্তানিকৃত বা রপ্তানিকৃত বলিয়া গণ্য পণ্যের উৎপাদক ফরম “মূসক-১গ” তে একটি নূতন ঘোষণা বা পূর্বে দাখিলকৃত ঘোষণার সংশোধনী, যাহাই প্রযোজ্য হউক না কেন, বিভাগীয় কর্মকর্তার নিকট দাখিল করিবেন এবং বিভাগীয় কর্মকর্তা উক্তরূপ নূতন ঘোষণা বা, ক্ষেত্রমত, পূর্বে দাখিলকৃত ঘোষণার

সংশোধনী যাচাই-বাছাই করিয়া প্রাপ্ত ঘোষণা, প্রয়োজনে সংশোধনপূর্বক, অনুমোদন করিবেন;

তবে শর্ত থাকে যে, নির্বাক্ত ব্যক্তি কর্তৃক প্রদত্ত ঘোষণায় কোন পরিবর্তন বা সংশোধনী, অনিয়নের ক্ষেত্রে সংশ্লিষ্ট ব্যক্তিকে যুক্তিসঙ্গত শুনানীর সুযোগ প্রদান করিতে হইবে।”;

(৩) উপ-বিধি (৩) এর দফা (গ) তে “মূসক-১” শব্দ, চিহ্ন এবং সংখ্যার পরিবর্তে ““মূসক-১” বা, ক্ষেত্রমত, “মূসক-১খ”” শব্দগুলি, চিহ্নগুলি, সংখ্যাগুলি, কমাগুলি এবং বর্ণ প্রতিস্থাপিত হইবে;

(৩) বিধি ৩ক এর পর নিম্নরূপ একটি নূতন বিধি ৩কক সন্নিবেশিত হইবে, যথাঃ-

“৩কক। মূল্য ঘোষণা দাখিলের দায় হইতে অব্যাহতি :- সরকার, সরকারী গেজেটে প্রজ্ঞাপন দ্বারা যে সমস্ত পণ্য বা সেবার ক্ষেত্রে ধারা ৫ এর উপ-ধারা (২গ) অনুযায়ী পশ্চাৎগণনা (back calculation) এর মাধ্যমে উৎপাদন বা সেবা প্রদান স্তরে সমুদয় মূল্য সংযোজন কর বা সম্পূরক শুল্ক বা মূল্য সংযোজন কর ও সম্পূরক শুল্ক আদায় করিবে, সেই সমস্ত পণ্য বা সেবাকে উক্ত প্রজ্ঞাপনে বর্ণিত শর্ত সাপেক্ষে মূল্য ঘোষণা দাখিলের দায় হইতে অব্যাহতি প্রদান করিতে পারিবে।”;

(৪) বিধি ৩খ এর দফা (ক) এর শর্তাংশে উল্লিখিত “মূসক-১” শব্দ, চিহ্ন ও সংখ্যার পরিবর্তে “ফরম “মূসক-১” বা, ক্ষেত্রমত, “মূসক-১খ”” চিহ্নগুলি, শব্দগুলি, সংখ্যাগুলি, কমাগুলি ও বর্ণ প্রতিস্থাপিত হইবে;

(৫) বিধি ৪ এর-

(ক) উপ-বিধি (১) এর “চব্বিশ লক্ষ” শব্দগুলির পরিবর্তে “চত্ব্বিশ লক্ষ” শব্দগুলি প্রতিস্থাপিত হইবে;

(খ) উপ-বিধি (১৯) এ উল্লিখিত “প্রতি মাসে” শব্দগুলির পর “তৎপূর্ববর্তী মাসে তালিকাভুক্ত প্রতিষ্ঠানের নাম, ঠিকানা, ব্যবসার ধরন ও বার্ষিক টার্নওভারের পরিমাণসহ উক্ত মাস পর্যন্ত” শব্দগুলি ও কমাগুলি সন্নিবেশিত হইবে;

(গ) উপ-বিধি (২০) এর পরিবর্তে নিম্নরূপ নূতন উপ-বিধি (২০) প্রতিস্থাপিত হইবে, যথাঃ-

“(২০) উপ-বিধি ১৯ এর অধীন তথ্য প্রাপ্তির পর বিভাগীয় কর্মকর্তা, যথাশীঘ্র সম্ভব, তালিকাভুক্ত ব্যক্তির বার্ষিক টার্নওভার কর সংক্রান্ত তথ্য পরীক্ষা করিবেন এবং উক্তরূপ পরীক্ষা করিবার পর যদি বিভাগীয় কর্মকর্তার নিকট প্রতীয়মান হয় যে, তালিকাভুক্ত ব্যক্তি কোন ভুল বা মিথ্যা তথ্য সরবরাহপূর্বক তালিকাভুক্ত হইয়াছেন বা অনুরূপ তথ্যের কারণে টার্নওভার কম নির্ধারিত হইয়াছে, সেইক্ষেত্রে বিভাগীয় কর্মকর্তা তালিকাভুক্ত ব্যক্তিকে তৎসম্পর্কে নোটিশ প্রদানপূর্বক দশ কার্যদিবসের মধ্যে আত্মপক্ষ সমর্থনমূলক বক্তব্য প্রদানের সুযোগ প্রদান করিবেন এবং প্রাপ্ত জবাবে বিভাগীয় কর্মকর্তা সন্তুষ্ট না হইলে সুপারিনটেনডেন্ট এর উপস্থিতিতে শুনানীর সুযোগ প্রদান করিয়া-

(ক) তালিকাভুক্ত ব্যক্তির টার্নওভার পুনঃনির্ধারণ করিতে পারিবেন; অথবা

(খ) টার্নওভার তালিকাভুক্তি বাতিলপূর্বক সংশ্লিষ্ট ব্যক্তিকে নিবন্ধিত হইয়া তালিকাভুক্তির তারিখ হইতে প্রযোজ্য হারে মূল্য সংযোজন কর প্রদান করিবার আদেশ প্রদান করিতে পারিবেন।”;

(৬) বিধি ৯ এর-

(ক) উপ-বিধি (১) এ উল্লিখিত “চব্বিশ লক্ষ” শব্দগুলির পরিবর্তে “চল্লিশ লক্ষ” শব্দগুলি প্রতিস্থাপিত হইবে;

(খ) উপ-বিধি (২) এ উল্লিখিত “চব্বিশ লক্ষ” শব্দগুলির পরিবর্তে “চল্লিশ লক্ষ” শব্দগুলি প্রতিস্থাপিত হইবে;

(গ) উপ-বিধি (৩) এ উল্লিখিত “চব্বিশ লক্ষ” শব্দগুলির পরিবর্তে “চল্লিশ লক্ষ” শব্দগুলি প্রতিস্থাপিত হইবে;

(৭) বিধি ১০ এ উল্লিখিত “স্থানীয় মূল্য সংযোজন কর কার্যালয়ে” শব্দগুলির পরিবর্তে “বিভাগীয় কার্যালয়ে” শব্দগুলি প্রতিস্থাপিত হইবে;

(৮) বিধি ১২ এর পরিবর্তে নিম্নরূপ বিধি ১২ প্রতিস্থাপিত হইবে, যথা:-

“১২। ব্যবসায়ের স্থান বা পরিস্থিতির পরিবর্তন।- (১) কোন নিবন্ধিত ব্যক্তির ব্যবসায়ের স্থান বা পরিস্থিতির পরিবর্তন হইলে তাহাকে উক্ত পরিবর্তনের অনূ্যন চৌদ্দ কার্যদিবস পূর্বে মূল্য সংযোজন কর বা, ক্ষেত্রমত, সম্পূরক শুদ্ধ বা

টার্গেটভার কর বা অন্যান্য পাওনা সম্পূর্ণ পরিশোধ সাপেক্ষে স্থানীয় মূল্য সংযোজন কর কার্যালয়ে বা, প্রযোজ্য ক্ষেত্রে, কার্যালয়সমূহে ফরম “মূসক-৯” এ একটি ঘোষণাপত্র দাখিল করিতে হইবে।

(২) কোন নিবন্ধিত ব্যক্তি করযোগ্য পণ্য সরবরাহ বা সেবা প্রদান বা করযোগ্য পণ্য আমদানি বা যে কোন পণ্য বা সেবা রপ্তানির কার্য পরিচালনা হইতে বিরত থাকিতে চাহিলে তিনি অন্যান্য চব্বিশ ঘন্টা পূর্বে স্থানীয় মূল্য সংযোজন কর কার্যালয়কে উহা অবহিত করিবেন এবং উক্তরূপ অবহিত হইবার পাঁচ কার্যদিবসের মধ্যে স্থানীয় মূল্য সংযোজন কর কার্যালয় নিবন্ধিত ব্যক্তির মজুদ উপকরণ এবং তৈরী পণ্যের বা সেবার সরেজমিন হিসাব গ্রহণসহ উক্ত প্রতিষ্ঠানের যাবতীয় দায়-দেনা ও প্রক্রিয়াধীন বিষয়ের একটি বিবরণী প্রস্তুতপূর্বক, সংশ্লিষ্ট প্রতিষ্ঠানের ক্ষমতাপ্রাপ্ত প্রতিনিধির স্বাক্ষরে, উহা বিভাগীয় কর্মকর্তার নিকট প্রেরণ করিবেনঃ

তবে শর্ত থাকে যে, সাময়িক উৎপাদন বন্ধ বা সেবা প্রদানে বিরতির ক্ষেত্রে সংশ্লিষ্ট বিষয়টি কেবল স্থানীয় মূল্য সংযোজন কর কার্যালয়কে অবহিত করিতে হইবে।

(৩) কোন নিবন্ধিত ব্যক্তি করযোগ্য পণ্য সরবরাহ বা সেবা প্রদান বা করযোগ্য পণ্য আমদানি বা যে কোন পণ্য বা সেবা রপ্তানির ব্যবসায় কার্য পরিচালনা হইতে বিরত থাকিলে এবং পরবর্তীতে পুনরায় উহা আরম্ভ করিতে চাহিলে উক্তরূপ আরম্ভ করিবার অন্যান্য চব্বিশ ঘন্টা পূর্বে সংশ্লিষ্ট বিষয়টি স্থানীয় মূল্য সংযোজন কর কার্যালয়কে অবহিত করিতে হইবে।”:

(৯) বিধি ১৫ এর -

(ক) উপ-বিধি (১) এ উল্লিখিত “নিবন্ধিত” এবং “নিবন্ধন” শব্দগুলির পরিবর্তে যথাক্রমে “নিবন্ধিত অথবা তালিকাভুক্ত” এবং “নিবন্ধন অথবা তালিকাভুক্তি সংখ্যা” শব্দগুলি প্রতিস্থাপিত হইবে;

(খ) উপ-বিধি (১) এর-

(অ) দফা (ঘ) তে উল্লিখিত “চব্বিশ লক্ষ” শব্দগুলির পরিবর্তে “চল্লিশ লক্ষ” শব্দগুলি প্রতিস্থাপিত হইবে; এবং

(আ) দফা (ঙ) তে উল্লিখিত “চব্বিশ লক্ষ” শব্দগুলির পরিবর্তে “চল্লিশ লক্ষ” শব্দগুলি প্রতিস্থাপিত হইবে;

- (১০) বিধি ১৯ এর উপ-বিধি (২) এ উল্লিখিত “করযোগ্য পণ্য” শব্দগুলির পরিবর্তে “করযোগ্য পণ্য বা সেবা” শব্দগুলি প্রতিস্থাপিত হইবে;
- (১১) বিধি ২৫ এর উপ-বিধি (১) এ উল্লিখিত “যথাযথ বলিয়া বিবেচিত হইলে” শব্দগুলির পর “, ধারা ৩৬ এর উপ-ধারা (৪) এর বিধান ক্ষুণ্ণ না করিয়া,” কমাগুলি, শব্দগুলি, সংখ্যাগুলি এবং বন্ধনী সন্নিবেশিত হইবে;
- (১২) বিধি ৩০ এর উপ-বিধি (৯) এ উল্লিখিত “মহাপরিচালক” শব্দটির পরিবর্তে “মহাপরিচালক অথবা মহাপরিচালকের নিকট হইতে এতদুদ্দেশ্যে ক্ষমতাপ্রাপ্ত কর্মকর্তা” শব্দগুলি প্রতিস্থাপিত হইবে;

(১৩) ফরম “মূসক-১ক” এর পর নিম্নরূপ দুইটি নতুন ফরম যথাক্রমে “মূসক-১খ” এবং “মূসক-১গ” সংযোজিত হইবে, যথাঃ-

“মূসক-১খ

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা।

ব্যবসায়ী বা বাণিজ্যিক আমদানিকারক কর্তৃক মূল্যভিত্তি ঘোষণাপত্র
[বিধি ৩(১) দ্রষ্টব্য]

নিবন্ধিত ব্যক্তির নাম : মূল্য ঘোষণার
নম্বর...../বৎসর
প্রতিষ্ঠানের নাম : এলাকা কোড :
পূর্ণ ব্যবসায়িক ঠিকানা : টেলিফোন
নম্বর :
নিবন্ধন নম্বর : ফ্যাক্স নম্বর :

ক্রমিক নং	পণ্যের সামগ্রস্য- পূর্ণ নামকরণ কোড (H.S. Code)	পণ্যের নাম ও বিবরণ (আমদানি দলিল বা ক্রয় চালানপত্র মোতাবেক)	পণ্যের ক্রয়মূল্য (মূল্য সংযোজন কর ও আগাম আয়কর ব্যতীত)	মূল্য সংযোজনের পরিমাণ	সম্পূর্ণক তত্ত্ব আরোপযোগ্য মূল্য		আরোপনীয় সম্পূর্ণক তত্ত্ব (যদি থাকে)	মূল্য সংযোজন কর আরোপযোগ্য মূল্য		পাইকারী মূল্য	খুচরা মূল্য/ মুদ্রিত মূল্য
					বর্তমান	প্রস্তাবিত		বর্তমান	প্রস্তাবিত		
(১)	(২)	(৩)	(৪)	(৫)	(৬)	(৭)	(৮)	(৯)	(১০)	(১১)	(১২)

আমি এই মর্মে ঘোষণা করিতেছি যে, উপরে বর্ণিত সকল তথ্য সত্য ও নির্ভুল।

তারিখ :

স্বত্বাধিকারী, নিবন্ধিত ব্যক্তি বা ক্ষমতাপ্রাপ্ত
প্রতিনিধির স্বাক্ষর

নিবন্ধিত ব্যক্তির জন্য নির্দেশাবলীঃ-

- ১। আমদানি দলিল বা ক্রয় চালান পত্রে পণ্যের বিবরণ স্পষ্ট না হইলে উক্ত বিবরণের নিচে পণ্যটি যে নামে (সাইজ/গ্রেড/মডেল উল্লেখসহ) একজন ব্যবহারকারীর নিকট পরিচিত তা (৩) নং কলামে উল্লেখ করিতে হইবে এবং প্রতিটি ঘোষণায় সংশ্লিষ্ট আমদানি দলিল বা ক্রয় চালান পত্রের নম্বর ও তারিখ উল্লেখ করিতে হইবে।
- ২। সংশ্লিষ্ট পণ্যের আমদানি দলিল বা ক্রয় চালানপত্রে মূল্য সংযোজন কর ও আগাম আয়কর ব্যতীত যে মূল্য (যাবতীয় শুল্ক করসহ) উল্লেখ থাকিবে তার সাথে অন্য কোন রেয়াতযোগ্য উপকরণ ব্যবহৃত হইলে তা পরবর্তী সারি (Row) তে (৩) নং কলামে বিবরণসহ মূল্য প্রদর্শন সাপেক্ষে (৪) নং কলামে যোগ করিতে হইবে।
- ৩। ক্রয় মূল্যের সমর্থনে মূল্য ঘোষণার সাথে আমদানি দলিল বা ক্রয়চালান পত্রের ফটোকপি সংযুক্ত করিতে হইবে।
- ৪। (৫) নং কলামে প্রদর্শিত সংযোজনের ভিত্তিতে ১৫% হারে নীট মূল্য সংযোজন কর প্রদেয় হইবে।
- ৫। (৮) নং কলামে প্রস্তাবিত মূল্য বা বিভাগীয় কর্মকর্তা কর্তৃক অনুমোদিত মূল্যের (যেটি প্রযোজ্য) ভিত্তিতে ১৫% হারে মূল্য নিরূপণপূর্বক কর পরিশোধিত মূল্যের চেয়ে মূল্য ঘোষণা দাখিলকারীর বিক্রয় মূল্য কোন অবস্থাতেই বেশী হইবে না।

নিবন্ধিত ব্যক্তি, স্বত্বাধিকারী বা ক্ষমতাপ্রাপ্ত প্রতিনিধির স্বাক্ষর”;

(১৪) ফরম “মূসক-২খ” এর-

- (ক) ক্রমিক নং ১২ এবং উহার বিপরীতে উল্লিখিত এন্ট্রি বিলুপ্ত হইবে;
- (খ) “বিভাগীয় কার্যালয়” শব্দগুলির পরিবর্তে “সার্কেল সুপারিনটেনডেন্ট” শব্দগুলি প্রতিস্থাপিত হইবে; এবং
- (গ) “বিভাগীয় কর্মকর্তা” শব্দগুলির পরিবর্তে “সুপারিনটেনডেন্ট” শব্দগুলি প্রতিস্থাপিত হইবে;

(১৫) ফরম “মূসক-৪” এর ক্রমিক নং ২ এ উল্লিখিত “/টার্ণওভার কর নির্ধারণ কমিশন” চিহ্ন এবং শব্দগুলি বিলুপ্ত হইবে;

(১৬) ফরম “মূসক-৬” এর “আবেদনকারীর জন্য নির্দেশনা” এর ক্রমিক নং ৯ এর বিপরীতে ৩ নং কলামে উল্লিখিত “আমদানি বা রপ্তানি” শব্দগুলির পর “রেজিস্ট্রেশন” শব্দ সন্নিবেশিত হইবে;

(১৭) ফরম “মূসক-৬ক” বিলুপ্ত হইবে;

(১৮) ফরম “মূসক-৮” এ উল্লিখিত-

- (ক) “পরবর্তী মাসের দশ তারিখের মধ্যে” শব্দগুলির পরিবর্তে “সমাপ্তির পর বিধি ৪ এর উপ-বিধি (৫) এবং বিধি ২৪ এর উপ-বিধি (১) এ উল্লিখিত সময়ের মধ্যে” শব্দগুলি, সংখ্যাগুলি এবং বন্ধনীগুলি প্রতিস্থাপিত হইবে;
- (খ) “করদাতা সনাক্তকরণ”, দুইবার উল্লিখিত, শব্দগুলির পরিবর্তে, উভয়স্থানে, “নিবন্ধন” শব্দ প্রতিস্থাপিত হইবে; এবং
- (গ) “অবিলম্বে” শব্দটির পরিবর্তে “বিধি ১২ এর উপ-বিধি (১) এ উল্লিখিত সময়ের মধ্যে” শব্দগুলি, সংখ্যাগুলি ও বন্ধনী প্রতিস্থাপিত হইবে;

(১৯) ফরম “মূসক-১০” এ -

- (ক) “দুই বৎসর” শব্দগুলির পরিবর্তে “এক বৎসর” শব্দগুলি প্রতিস্থাপিত হইবে; এবং
- (খ) “বিশ লক্ষ”, দুইবার উল্লিখিত, শব্দগুলির পরিবর্তে, উভয়স্থানে, “চল্লিশ লক্ষ” শব্দগুলি প্রতিস্থাপিত হইবে।

- (২০) ফরম “মূসক-১১” এর ক্রমিক নং ১ এ উল্লিখিত “সংখ্যা” শব্দের পর “অবশ্যই” শব্দ সন্নিবেশিত হইবে; এবং
- (২১) ফরম “মূসক-১১(ক)” এর “মূসক-১১(ক)” শব্দ, চিহ্ন, সংখ্যা, বন্ধনী ও বর্ণের পরিবর্তে “মূসক-১১ক” শব্দ, চিহ্ন, সংখ্যা ও বর্ণ প্রতিস্থাপিত হইবে এবং উক্ত ফরম এ উল্লিখিত “করদাতা সনাক্তকরণ সংখ্যা (যদি থাকে)” শব্দগুলি, বন্ধনী এবং চিহ্ন বিলুপ্ত হইবে

জাতীয় রাজস্ব বোর্ডের আদেশক্রমে,

[ড. মোঃ সহিদুল ইসলাম]

প্রথম সচিব

(মূসক-নীতি ও বাজেট)